

Cumunu de Bàini Provitzia de Aristanis Bia Indipendèntzia, 3 09090 BÀINI (OR)		Comune di Villa Verde Provincia di Oristano Via Indipendenza, 3 09090 VILLA VERDE (OR)
Telèfunu 0783.939000 – Telefax 0783.090356 - C.F. e P. IVA 00073870958 Internet: http://www.comune.villaverde.or.it E-mail: comune.villaverde@legalmail.it		

Prot. N.2346 de su 23.05.11

ÀREA AMINISTRATIVA SERVÌTZIU SÒTZIU-ASSISTENTZIALI

DETERMINATZIONI N.34 DE SU 23.05.11

Ogetu : dìi de s'antzianu 2011- realizazioni arregordu - affidamentu a còtimu fidutziàriu e impènniu de spesa cosa sua
CÒDIXI CIG : Z2D00335FF

S'annu duamillaeundixi, hoi 23 (bintitres) de su mesi de Màju;

SA RESPONSÀBILI DE S'ÀREA AMINISTRATIVA – SERVÌTZIU SÒTZIU – ASSISTENTZIALI

Premìtiu ca:

- Cun deliberatzioni C.C. n 08 de su 23.03.11 est istétiu aprovau su Bilànciu de Previsioni po s'esercìtziu 2011 ;
- Cun deliberatzioni G.C.n.32 de su 12.05.2011 est istétiu aprovau su P.O.G. e atribuiu a s'àrea amministrativa s'interventu chi sighit : **1100402 – Cap.1899;**

Tzerriau torra su Decretu Sindacali n.1/2009 de nòmina de su Titolari de sa positzioni organizzativa de s'Àrea Amministrativa ;

Castiau su Regulamentu de is ispesas in economia, forniduras de benis, servìtzius e incàrrigus esternus (de foras) aprovau cun deliberatzioni C.C. n.33 de su 17.07.2007 ;

Tentu contu ca :

- S'art.2 de su Regulamentu nomenau asuba individuatu is tipològias de servìtzios e benis comporabiles cun ricursu a su còtimu fiduciàriu, cun determinatzioni de su relativu prus altu bàlori a intrus is limitis massimus de importu de 20.000,00 éurus ;
- S'art.7, coma 2, de s' inditau Regulamentu disciplinat sa procedura po sa seletzioni de su fornidori a afidamentu deretu de parti de su Responsàbili de su procedimentu ;

Castiau su Pranu Unitàriu de is Servìtzios a sa Persona (PLUS) po s'annu 2011 – gestionu asola - aprovau cun deliberatzioni c.C. n.18.03.2011 ;

DONAU ATU ca intra is iniziativais prevedias in issu rientrat sa Dii de s'Antzianu puru chi at a fàiri su programa chi sighit : celebratzioni de sa missa santa ; pràngiu totus paris, stentu discansosu culturali ;

DONAU ATU ca ancora, in sedi de programatzioni de sa Dii de s'Antzianu, s'est stabìliu ca, dinai permitendi, si riservat sa possibilitadi de comporai unu arregordu de sa Dii de donai a totus is antzianus, partecipantis e no ;

RILEVAU ca in su PLUS – gestionu asola nc'est a disposizioni 2.000,00 éurus po comporai diversus benis ;

CUNSIDERAU ca est voluntadi de s'Aministratzioni procediri a comporai is arregordus chi eus nau apubendindi unu piticu de « Fiasca » in geramica, fatu in su tòrniu, cussa chi s'at a dépiri fàiri ;

Riconnota sa necessidadi urgenti de provediri a ddus cumandai e a ddus comporai ;

ATENDIU CA, po custu servìtziu, sa Responsàbili de su Procedimentu individuatu comentu modalidadi de gara, po sa realizazioni de is arregordus in chistioni sa tratativa privada dereta po còtimu fiduciàriu, aici comentu prevediu d s'art.7 de su Regulamentu inditau asuba,

VALUTADA sa possibilitadi de provediri a sa tratativa privada dereta po còtimu fiduciàriu cun sa Dita S'Antiga Arti de sa Geramica de M. Giuseppina Addari, cun sedi in Useddus (Or), Dita de sìgura esperiéntzia in su setori e de calidadi meda, chi at prevediu is annus passaus puru a fàiri is arregordus stimaus meda de is antzianus;

DONAU ATU CA SA PRÒPIA DITA:

- Beniat cumbidada, informalmenti, a fruniri unu preventivu de spesa po fàiri is geramicas inditadas asuba;
- Cun noda prot. N.2308 de su 19.05.2011 at presentau una proposta, cun preventivu de spesa chi ddi riguardat, innui risultat sa mellus oferta po sa fornidura de geramicas totus fatas a manu: riprodutzionis piticas de « fiascas »,

fatas cun su tòrniu, tipicas de s'artisanau sardu e decorada cun sa ténnica de su grafitu asuba de ingobbiu e ribistia de cristallina colorada po unu prètziu finali unitàriu de € 5,50 foras de IVA.

RILEVADA sa calidadi de su prodotu e sa cunbeniéntzia economica de s'importu de ispesa preventivau de sa Dita nomenada;

STABILIU ca su nùmeru de is antzianus, po nùcleu familliaris, participantis e no a sa Dii de s'Antzianu est paris a 115 unidades pagu prus;

DONAU ATU ca si ritienit necessariu comporai paperi po arregalu e su nastru colorau po ddu cunfetziònai ;

RITENNIU, duncas, oportu :

- Arribaus, po s'afidamentu de sa realizazioni de is geramicas chi eus nau, a tratativa privada dereta po còtimu fidutziàriu, a is sensus de s'art.7 de su Regulamentu nomenau, cun sa Dita S'Antiga Arti de sa Geramica de M. Giuseppina Addari cun sedi in Useddus (Or) po unu costu paris a € 632,50 in totu (n. 115 petzus x € 50,00) ;
- Assumiri relativu impènniu de spesa de € 632,50 po comporai is geramicas e € 50,00 po comporai su materialu po su cunfetzionamentu de pònniri a càrrigu de su Cumunu de Bàini ;

BISTU DE REGOLADIDADI CONTABILI ATESTANTI SA COBERTURA FINANTZIÀRIA

Su sutascritu Responsàbili de su Servìtziu Contabili e Finantziàriu, a norma de s'art.151 coma 4 de su Decretu Lgs. de su 18.08.2000 chi aici narat:

« Is provedimentus de is responsàbilis de is servìtzios chi cumportant impènniu de spesa, funt trasmìtius a su responsàbili de su servìtziu finantziàriu e funt esecutivus cun aposizioni de su Bistu de regoladidadi contabili atestanti sa cobertura finantziària » ATESTAT sa cobertura finantziària de:

- € 682,50 asuba de s'interbentu 1100402 Cap.1899 de su Bilànciu 2011, Contu Cumpeténtzias
- Impènniu n. _____ de su _____
- De custa determinatzioni.
- Hoi _____

Sa Responsàbili de su Servìtziu Finantziàriu
Maria Grazia Loi

A is sensus de is artt. 13, c 5 e 34, c 3, de su Regulamentu de Contabilidadi ;

DETERMINAT

DE ANDAI, po s'afidamentu de sa realizazioni de is geramicas nomenadas, a tratativa privada dereta po còtimu fiduciàriu, a is sensus de s'art.7 de su Regulamentu nomenau, cun sa Dita s'Antiga Arti de sa Geramica de M.Giuseppina Addari cun sedi in Useddus (Or), po unu costu de € 632,50 in totu (115 petzus x € 5,50) ;

DE PROVEDIRI, aballendusiri de fundus de s'econòmau, a comporai materiali chi serbit po su cunfetzionamentu de is arregordus po unu amùntai de € 50,00 de spesa in totu ;

ASSUMIRI impènniu de spesa de € 682 a càrrigu de su Cumunu de Bàini, a is sensus de is articulus 33 e 34 de su Regulamentu de Contabilidadi, a bàlliri asuba de s'interbentu 1100402 – Cap 1899- de su Bilànciu 2011, chi presentat disponibilitadi sufizienti ;

IMBIAI còpia de custa :

- A s'Ufitziu Ragioneria po su relativu impènniu de spesa ;
- A su Segretàriu Cumunali po giusta connoscéntzia ;
- A s'Albu Pretòriu po sa publicatzioni sua po 15 diis de sighiu a inghitzai de su _____ ;

Ingunis, 23.05.2011

SA RESPONSÀBILI DE SU SERVÌTZIU
A.S. Savina Ibba